



ՓԱՅԼԱԿ

Քաղաքական, հասարակական ու գրական լրագիր
ԼՈՅՍ Է ՏԵՄԵՆՈՒՄ ԿԻՐԵԿԻ ԵՒ ՀԻՆԴՉԵՐԹԻ ՕՐԵՐԸ

Տարեկան գինը — 3 ռուբլի, 1/2 տարեկանը — 1 ռ. 50 կ.,
1 ամս. — 35 կ.

ԱՌԱՆՁԻՆ ՀԱՄԱՐՆ ԱՄԵՆ ՏԵՂ 5 ԿՈՊ.

Յայտարարութիւնները համար վճարում են իւրաքան-
չիւր տողատեղին՝ առաջին երեսի վրայ—20 կոպ,
վերջին ,, ,, —10 ,,

Հասցէն՝ Шума, Редакция газеты „Пайлак“. Ганджунцев. ул.
домъ Костанцова. Schoucha, rédaction du journal „Phailak“.

ԲԱՅԻԱՅԻ Է ԲԱԺԱՆՈՐԴԱԳՐՈՒԹԻՒՆ

ՓԱՅԼԱԿ

Քաղաքական, հասարակական ու գրական լրագիր
լոյս է տեսնում առ այժմ շաբաթական երկու անգամ

Բաժանորդագիրն է. տարեկան 3 ռ. կէս տարեկանը—1 ռ. 50 կ.
ամսական —35 կ.

ԱՌԱՆՁԻՆ ՀԱՄԱՐՆ ԱՄԵՆ ՏԵՂ 5 ԿՈՊ.

Մեր Հասցէն՝ Шума, редакции газеты „ПАЙЛАКЪ“.
ԱՊՍԵՆԻ ԲԱԺԱՆՈՐԴԱԳՐՈՒԹԻՒՆ ԶԷ ԸՆԴՈՒՆԻՈՒՄ



ՔԱՐԳԵՐԻՑ, ՓՈՌՇԵՂ, ԲԵՐՈՒՇԻ և ՍՈՐՈՒՇԻ ԲԵՆԵՐԵՆՆԵՐԸ սրտի
անհուն կակիծով յայտնում են հարազատներին և ծանօթներին
իրենց թանգագին կորստի, առաջին՝ ամուսնու, վերջինների
ջերմապէս սիրած հօր

Մ Ե Ղ Ե Ք Ի Ը Գ Ե Ն Ի Ե Լ Ե Ա Ն Բ Է Գ Լ Ա Ր Ե Ա Ն Ի

մահւան մասին, որ տեղի ունեցաւ 21-ին յուլիսի։ Յուղարկա-
ւորութիւնը սեփական բնակարանից—Առափնեկան փողոց № 22
դէպի վերին թաղի ս. Յովհաննու Մկրտիչ եկեղեցին տեղի
կունենայ այսօր, 23-ին յուլիսի, առաւօտեան ժամը 10-ին։
Թաղումը ս. պատարագից յետոյ՝ Ներքին հանգստարանում։

ՏԵՍՉԱԿԱՆ ԽՆԴԻՐԸ

Պ. Ղազար Տէր-Ղազարեանի հրա-
ժարումով նորից թափուր է տես-
չական պաշտօնը և նոր տեսուչ
հրաւիրելու հարցը դրւած է Շու-
շու հասարակութեան և թեմական
դպրոցի հոգաբարձութեան առջև։
Դեռ վաղաժամ է քննութեան առ-
նել այն բոլոր հանգամանքները,
որոնք անհնար դարձրին պ. Ղ.
Տէր-Ղազարեանի դպրոցական գոր-
ծունէութիւնը մեր միջավայրում։
Կրքերը դեռ շատ են լարւած և
հրաժարման տպաւորութիւնը շատ
է ուժեղ թէ հակառակորդ և թէ
բարեկամ շրջաններում։ Նրա տես-
չական գործունէութեան գնահա-
տութիւնը տալու համար հարկա-
ւոր է դեռ ժամանակ և հանգիստ
տրամադրութիւն։ Առայժմ, ամե-
նալաւ վերաբերմունքը հանդէպ
մեր կրթական դործի և մեծարան-
քը թերևս ընդմիշտ մեզնից հեռա-
ցող դպրոցական գործչի, թւում է,
հենց այն պէտք է լինի, եթէ նրա
արժանաւոր յաջորդի հարցը դե-
կավարող սկզբունք ունենանք մեզ

համար։ Այսպէս կամ այնպէս, մեր
ամենակարեւոր հիմնարկութիւննե-
րից մէկի զլիւսաւոր դեկավարի ըն-
տրութեան հարցն է դրւած և պա-
հանջում է լուծումին։

Տեսչական խնդիրը մեր դպրո-
ցական իրականութեան ամենացա-
ւոտ խնդիրներից մէկն է, որին
պէտք է մօտենալ ամենայն զգա-
տութեամբ։ Անկարելի է, մեր սա-
կաւաթիւ հաստատութիւններից
մէկի բախտը յանձնել իւրաքան-
չիւր պատահական անձնաւորու-
թեան, այլապէս վտանգած կը լի-
նենք լայնածաւալ թեմի կրթական
կուլտուրական գործը։ Մի կրթա-
կան հաստատութիւն, որի պատե-
րի մէջ դարբնւում է մեր վաղւայ
ինտելիգենցիան, հարկաւոր դա-
ւառական գործիչները, արժանի է
ամենայն աշարջութեան։

«Փայլակը» որպէս հասարակա-
կան օրգան, ունի իր ասելիքը և
այսօր պարտաւոր է զգուժ պար-
զել իր տեսակէտը՝ տեսչական
խնդրի նկատմամբ։

Գաղտնիք չէ, որ թեմական դպ-
րոցները առհասարակ շատ են ան-

հրապոյր. բոլոր միջնակարգ դպ-
րոցների շարքում և պատճառը
նրա իրաւական հանգամանքներից
զուրկ լինելն է։

Մեր հասարակութեան միջակ
խաւերն անգամ մեծ դժկամակու-
թեամբ են իրենց զաւակներին մեր
միակ միջնակարգ կրթարաններն
ուղարկում։ Կամայ թէ ակամայ
դպրոցը մնում է ստորին խաւերի
և գիւղացիութեան համար միմի-
այն, որպիսի հանգամանքը իր ա-
ռանձնայատուկ կնիքն է դնում
դպրոցի վրայ։

Եթէ թեմական դպրոցների իրա-
ւունքի խնդիրը դեռ ևս դրւած չէ,
սակայն հրապարակի վրայ է այն
խակական միջնակարգ դպրոց դարձ-
նելու խնդիրը։ Թեմական դպրոցնե-
րը այսուհետ այնքան պատրաս-
տութիւն պիտի տան իրենց սանե-
րին, որչափ զիմնագիտները, իսկ
այսուհետ, իրաւունքի խնդիրը ինքն
ըստ ինքեան կը լուծւի։ Այդ հնա-
րաւոր կը լինի այն դէպքում, երբ
թեմական դպրոցի դեկավարը իր
կրթութեամբ և հայեացքներով
համապատասխան արժանիքներ
կունենայ։ Մեր ապագայ տեսուչը
պէտք է լինի անպայման ուռու-
կան կրթութեամբ, ծանօթ ուռու-
կեանքին, զրականութեան, գիտակ
պետական իրաւունքին ու լեզւին։
Բաւական է, որքան մեր դպրոց-
ները լցրինք գերմանական՝ կաս-
կածելի արժանիքների տէր փրի-
ստիպալութեան դօքտորներով և
աստուածաբաններով։

Մեր թեմական դպրոցների դե-
կավար շրջանների անուղղելի սխա-
լերից մէկն էլ այն հայեացքն է
եղել, թէ հոգևոր դպրոցը կարող
է ունենալ նաև հոգևորական տե-
սուչ։ Հոգևորականը, որչափ էլ
լայն ըմբռնելու լինի իր առջև
դրւած խնդիրները, ուզի-չուզի,
այն գունաւորելու է իր դասի
հայեացքներով։ Այս անհրժեք է։
Այսուհետ այսպիսի դրութիւն այլ-
ևս անհանդուրժելի պիտի լինի և
աշխարհիկ գիտութիւնը պիտի թա-
գաւորի մեր դպրոցներում։ Նայե-
ցէք մեր թեմական դպրոցի պատ-
մութեանը։ Մինչդեռ Մեսրոպ, Տի-
րայր, Բենիկ և Ներսէս վարդա-
պետների տեսչութեան շրջանը ա-
մենաողբալին է, ուռուական կրթու-
թեան տէր տեսուչներ՝ Նղիշէ Մա-
դաթեանի և Լեւոն Սարգսեանի
տեսչութեան շրջանները դեռ մին-
չև օրս էլ իրեալ են համարուում։
Նոր տեսուչը հոգևորական։ Զօրիտի

լինի-

Հոգևորական տեսուչների շրջա-
նը յայտնի է իր խառնակ դրու-
թեամբ և դպրոցական ծրագրի ան-
վերջ փոփոխութիւններով՝ յօդուտ
եկեղեցական-հոգևոր գիտելիքների
և ի վնաս բնական գիտութիւնների։
Մեր ապագայ տեսուչը պէտք է
լինի հաստատուն համոզմունքների
տէր. նա պէտք է խորապէս ծա-
նօթ լինի մեր լեզւին, պատմու-
թեան, զրականութեան և իրազեկ՝
մանկավարժական աշխարհի ան-
ցուղարձն ըմբռնելու։

Տեսչական հարցում չպիտի ան-
գիտանալ նաև մանկավարժական
խորհուրդի ձայնը։ Ճիշտ է, հրա-
հանգը մանկավարժական խորհր-
դին քիչ բաժին է յատկացրել
այդ գործում, սակայն դպրոցա-
կան կեանքի խաղաղութիւնը և
ուսուցչական կազմի ու տեսչի հա-
մերաշխ գործունէութիւնը ապա-
հովելու համար անպայման կարե-
ւոր է մեծ ուշք դարձնել մանկա-
վարժական խորհրդի ձայնին և ո-
րովհետև թեմական դպրոցի ու-
սուցչական կազմը լրիւ է, մեզ
թւում է, թէ ամենայնաւոր ելքը
ստեղծւած դրութիւնից հենց այն
կը լինի, եթէ տեսուչը ընտրւի
այժմեան կազմից։

Դրսից տեսուչ հրաւիրելու հար-
ցը կապւած է մեծամեծ բարդու-
թիւնների հետ։

ԻՆՏԵԼԻԳԵՆՏ ՈՒԺԵՐԻ ԿԱՐԻՔԸ ԳԻՒ-
ՂԵՐՈՒՄ

II.

Ղարաբաղի թեմական դպրոցը, որ-
պէս ամբողջ թեմի միակ միջնակարգ
դպրոց, անկարող է եղել ցայժմ կա-
տարել գէթ բաւարար չափով իր վրայ
դրւած պարտականութիւնը—ինտելի-
գենտ գործիչներ մատակարարել գիւ-
ղերին։ Միջավայրի աննպաստ պայ-
մանները մի կողմից, դրսի աշխարհի
սէրը և հրապոյրը միւս կողմից ձգել
են Ղարաբաղի ինտելիգենցիային դէպի
հեռուն, դէպի օտար երկրակամար։
Գիւղերում գործող սակաւաթիւ ինտե-
լիգենտ ուսուցիչներն էլ մի կերպ քաշ են
տալիս իրենց կեանքը, դժգոհ թէ իրեն-
ցից և թէ իրենց շրջապատից, առանց
բարոյական ներքին կապ զգալու գիւ-
ղի և իրենց գործի մէջ և միշտ էլ ա-
կընկաւորոյց սպասելով աւելի յարմար
վայրում ձեռնառու պաշտօն գտնելու։
Չենք մեղադրում, բայց դա փաստ է։
Գիւղական ինտելիգենտներ, շահերով
ու գաղափարով կապւած իրենց գիւ-
ղերի և հողի հետ, մշտական բնակու-
թիւն հաստատած երեւց ծննդավայ-
րում, չկան, կամ համարեա թէ չկան
և չեն էլ կարող լինել, քանի որ գիւ-
ղը շատ քիչ աշակերտութիւն է կա-

ըողանում մասնակարարել թեմական դպրոցին: Նկատելի և զգալի կերպով նւագում է տարէ ցտարի թեմական դպրոցի աշակերտութեան թիւը: Թեմ. դպրոցի հոգաբարձութեան և յոբելեանական կենտրոնական յանձնաժողովի 1913 թ., 75-ամեայ յոբելեանի առթիւ, լոյս ընծայած մի փոքրիկ վիճակագրութիւն է տւած աշակերտների թւի նկատմամբ, սկսած 1886—87 թ. ուս. տարուց մինչև 1912—13 թ. ուս. տարին, որից տեսնում ենք, որ 1886/87 ուս. տարում դպրոցն ունեցել է 359 աշակերտ, 1893—96 թ. թեմական է 400—500-ի սահմանները, 1896—1904-ին դպրոցն ունեցել է 506—588 աշակերտ: Վերջին թիւն ամենամեծ թիւն է մեր դպրոցի տարեգրութեան մէջ, դրանից շատ աշակերտութիւն չի եղել մեր դպրոցում և ոչ մի ժամանակ և այդ քանակին հասած է եղել 1901—2 թ. ուս. տարում: Սակայն դպրոցի վերաբացումից յետոյ 1905—6 ուս. տարուց սկսած աշակերտութեան թիւն աստիճանաբար պակսել է.

1905/6 ուս. տար.	466 հոգի
1906/7 » »	398 »
1907/8 » »	361 »
1908/9 « »	360 »
1909/10 » »	280 »
1910/11 » »	271 »
1911/12 » »	258 »
1912/13 » »	247 »

Ցաւալի երևոյթ. եթէ այսպէս շարունակելու լինի, թեմական դպրոցը կը կորցնի իւր գոյութեան իրաւունքը:

Միամտութիւն կը լինի անշուշտ աշակերտութեան նւագման պատճառը որոնել հայ-թուրքական ընդհարման առթիւ ժողովրդի մի մասի Շուշուց հեռանալու մէջ, քանի որ հեռացողները մեծ մասամբ ունեւոր դասակարգից են եղել, որոնց զաւակներն ուսանում են պետական դպրոցներում և երկրորդ՝ եթէ այդ լինէր պատճառը, աշակերտութեան թիւը մէկ անգամից կ'ընկնէր 1905/6 ուս. տար. և ոչ տարեցտարի աստիճանաբար նշանակում է այդ հանգամանքն ունէ իւր պատճառները, որոնց վրայ արժէ կանգ առնել, քանի որ այդ պատճառների առաջն առնելը մեզ համար առաջնակարգ նշանակութիւն ունեցող խնդիր է ոչ միայն դպրոցական-կուլտուրական տեսակէ-

տից, այլ և հասարակական տեսակէտից, քանի որ մենք նայում ենք թեմական դպրոցի վրայ, որպէս մի հիմնարկութեան, որ ամենից աւելի պարտաւորութիւն և իրաւունք ունի հասարակական գործիչներ մատակարարել մեր զիւղերին. գործիչներ, որոնք կ'իւնեն հենց իրենց ժողովրդի ծոցից, ծառայում են նրա անցեալին ու ներկային, նրա տնտեսական-կուլտուրական վիճակին, նրա պահանջներին ու կարիքներին: Դպրոցաւարտների հենց այդ հասարակական արժէքը, տեղացի ինտելիգենտ գործիչներ ունենալու անհրաժեշտութիւնը ստիպում են մեզ մի փոքր աւելի մանրամասն կանգ առնել այն հանգամանքների վրայ, որոնք ազդում են թեմական դպրոցի աշակերտութեան թւի նւագման վրայ:

Նորայր

ԱՐԶԵՎԱՆՔՆԵՐ

ԲԱՌԵՐ, ԲԱՌԵՐ...

Ինչ կայ աշխարհումս աւելի գեղեցիկ, աւելի դիւթիչ, քան բառերը, ինչ կայ մարդկանց համար աւելի կենսական, աւելի նշանակալից, քան բառերը:

Բառերով են գոյութիւններ ստեղծում. բառերով են այդ գոյութիւնները չքանում:

Եւ միշտ, ծնւած օրից մինչև սառնաշունչ մահւան վերջին վայրկեանը, լսում էք այդ բառերը, այնքան մեծօրիկ, այնքան հմայիչ, որ գիտեն թափանցել մարդկանց արտի խորքերը, զերել մարդկային էութիւնը, յափշտակել նրան մինչև ինքնամոռացումն, մինչև խելակորոյս ապշութիւն:

Բառեր, որոնք բղրում են կլկլալով ամեն տեսակ ազդիւրներից. վեր վեր են թռչում մարդարտեայ շիթերով շատրւաններից. երվներանգ աստղերով շաղուում երկնքում ջինջ օդը ճեղքող հրաւառ ֆշանքներից:

Ատում են, թէ ոսկին է, այդ «ժանդ մետաղը», մամոնան, որ շարժում է է ամբողջ աշխարհը, ամեն մարդկութիւնը:

Ոչ. մենք կասենք. բառերն են այդ անուշ Եթէ ուղեւանք, աւելին կա-

սենք. նոյն իսկ բառերումն է թաղնւած ոսկու ոյժը...

Վաճառականը բառեր է շռայլում, որ ոսկին մտնէ նրա գանձարկղը:

Եւ տեսնում էք ձիւ շուրջը, ամեն ինչ են անում բառերը:

Եւ Յուդան ու ստորահոգի դաւաճանը, երբ նա գերում է միամիտներին ու իրեն հաւատողներին. և՛ արկածախնդիր խաբեբան, երբ իւր ցանցերի մէջ է նետում անմեղ գոհներ. և՛ ողորմելի գաճաճը, երբ հակայ մեծութիւն է դառնում. և՛ անսկզունք հասարակական կարիէրիստը, երբ նիգակներ է ձօճում յանուն իւր ազգի կամ ժողովրդի:

Ամենքը, ամենքը բառեր են միայն ժայթքում. բառեր են ծորում նրանց մեղքալուր շրթերից:

Ահ, այդ բառերը. եթէ կուտակւելին, խառնային նրանք, անհուն ծովեր, ովկիաններ կը դառնային, ուր մարդիկ կը սուզւէին անդարձ, կը խեղդւէին չարաշար:

Սակայն որքան գեղեցիկ են դառնում, որքան հիասքանչ այդ բառերը պատմական այն մօմենտներում, որ պիտի մենք ենք այժմ ապրում, և այն ժողովրդների համար, որպիսին է հայը:

Բառերի սրնթաց յորձանքներ են, որ մեզ այսօր հեղեղում են. բառերի կիզող լաւանք են, որ ժայթքում են մեր հրաբուխներից ու ամեն ինչ տակն ու վրայ անում:

Էլ զանազան բարեկործական ընկերութիւններ, էլ Բաղդի կուլտուրական միութիւնը, էլ «Եղբայրական օգնութեան» ու զանազան կենտրոնական կոմիտէներ, կանանց անվերջ կոմիտէներ, ասուպի պէս երևան եկած ու ապա չքացած «Հայ ինժեներների ընկերութիւնը», և հազար ու մի սուշուկի պէս բանող յայտնի ու անյայտ կազմակերպութիւններ, հաստ ու բարակ հարուստ աղաներ, մեծ ու փոքր հասարակական կոչւած ու անկոչ գործիչներ, համագործակցութեան ու համերաշխութեան փոխադարձ անվերջ դիմումներ, կուտակեցական—թայֆայական բնագոյների վերացման բարձր կոչեր...

Որքան բառեր. սիրուն, հաւատ ներ-

շունչող, դիւթիչ բառեր տեղացին այդ բոլորից, շարունակւում են տեղալ և պիտի տեղան տակաւին երկար, անվերջ... առատութեան եղջիւրից:

Իսկ իրականութիւնը՝ իւր սև, տձև բացւածքով նայում է մեզ վրայ, անոնի իւր խորքերն ու ծալքերը մերկացնում, կարծես ամեն ինչ կլանելու, մարսելու ախորժարով:

Հայի սովորական իրականութիւնն է դա. մի կողմից՝ ծխի ու արեան մէջ լողացող, թշուառութեան ու տառապանքի մէջ հեծող, օրհասական գալարումներով տանջւող, իսկ միւս կողմից՝ բուրբ ինքնագոհութեան, ցոյլ հարբատեթեան մէջ սուգած, անտարբեր զգացմունքների ու աչքերը դիտաւորեալ փակելու ցաւով բռնած:

Ահա իրականութիւնը, որի առաջ կանգնած են միայն գեղեցիկ, սիրուն բառեր:

Բառեր և բառեր...

Նիմանդ

ԳԻՒՂԱԿԱՆ ՀԱՍՍԱՐԱԿՈՒԹԻՒՆՆԵՐԻ ՄԻՈՒԹԻՒՆԸ

Ինչպէս յայտնի է, մի քանի օր առաջ կովկասեան Փոխարքան պաշտօնական մի յատուկ շրջաբերականով յանձնարարում է անդրկովկասեան հասարակականներին ի կատար ածել յունիսի 3-ի օրէնքը գիւղական հասարակութիւնների միութիւնների վերաբերեալ:

Յունիսի 3-ի օրէնքով կազմակերպւում է, աւելի ճիշտն, առանձին գոյութիւն ունեցող համայնքները վերածւում են մի օրգանի (նման Ռուսաստանի փոօստի — союзы сельских обществ), որի նպատակն է գիւղական միջավայրում բաց անել հիւանդանոց և դպրոցներ, բանալ ցուցադատի, մերձաւորման վայրեր հիմնել, բժշկ և ագրոնոմ հրաւիրել և այլն, մի շարք այսպիսի գիւղատնային պահանջներ իրագործել:

Չնայած, որ այս բարենորոգումները այժմ է միայն մտցւում անդրկովկասեան գիւղացիութեան մէջ, բայց գիւղացիութիւնը վաղուց է վճարում բացի այն մի շարք պետական պարտաւոր տուրքերից ու ծախքերից և դահազան տեղային բարեկարգութեան համար տուրքեր, ինչպէս օրինակ

ԲԱՆԱՍԻՐԱԿԱՆ

ՀԱՄԱՌՕՏ ՏԵՂԵԿԱԳԻՐ

Շրվինանց գիւղի հայոց եկ.-ծխ. երկդասեան-երկսեռ «Գ. Յ. Տէր-Մարգարեան» դպրոցի 1914 ուս. տ.

Շրվինանց գիւղացի պ. Գաբար Տէր-Մարգարեանը 1913 թւին հիմնելով իր ծննդավայր Շրվինանցում «Գ. Յ. Տէր-Մարգարեան» դպրոցը և 13 տարի անընդհատ իր ուսերի վրայ առնելով բոլոր ծախքերը, լոյս է սփռել խաւարի մէջ խաբխափող տեղական ազգաբնակչութեան մէջ, հեռու վանելով տգիտութիւնը. Հետեւաբար պ. Գ. Տէր-Մարգարեանը Ղափանի մտաւոր վերածնութեան գործում իր պատուաւոր տեղն ունի, որն վայելում է սէր ու յարգանք իր հայրենակիցների շրջանում: 1914—15 ուսումն. տարին՝ դպրոցի նորոգութեան պատճառով սկսել է սովորականից ուշ՝ սեպտեմբերի 15-ին և վերջացել է մայիսի 24-ին:

(Ուսուցչական կազմ.)

1. Աւագ ուսուցիչ պ. Գեղէոն Տէր-Մինասեան. աւարտած է Գեորգեան ճեմարանի դպրոցական բաժինը. ուսուցչութեան 16-րդ տարին է. աւանդել է հայոց լիգու 11 դ., կրօն 4 դ., հայ. և ընդ. լատ. 3 դ. տարեկան

ուճիկն է 18 դասի և աւագութեան համար 720 դ.:

2. Տիկին Աննա Տէր-Մինասեան՝ սովորել է օր. կարա-Մուրգայի կարուձևի դպրոցում ձեռագործ և կարուձև, քննել է Թիֆլիզի արհեստագիտական ուսարմատում. վարժուհիութեան ա. տարին է. աւանդել է ձեռագործ և վայելչագրութիւն. տարեկան ուճիկն է 200 դուրի—11 դասի համար:

3. Թրիորդ Անահիտ Զիֆեան՝ աւարտած է Բաղդի գիմնադիւայի IV դասարանը. պաշտօնավարութեան ա. տարին է. աւանդել է ուսաց լիգու. տարեկան ուճիկն է 445 դ.—26 դասի համար:

4. Պ. Արմենակ Ղազարեան՝ աւարտած է Շուշու թեմական դպրոցի V դասարանը. ուսուցչութեան 6-րդ տարին է. աւանդել թւարանութիւն, բնագիտութիւն, երգ, հայրենագիտութիւն, նկարչութիւն. տարեկան ուճիկն է 465 դ.—25 դասի համար:

5. Պ. Հայրապետ Ղազարեան՝ աւարտած է Երևանի թեմական դպրանոցը. Ուսուցչութեան 8-րդ տարին է. Աւանդել է հայոց լիգու, կրօն, թւարանութիւն ընդհանուր աշխարհագրութիւն. տարեկան ուճիկն է 27 դասի համար 460 դուրի (առանց յարմարութիւնների): Տ. Աննա Տէր-Մինասեանի մահւանից յետոյ նրա դասերը բաժանւեցին ուսուցիչների մէջ, որոնք և ստացան վարձատրութիւն, խրաբանչիւրը

վերցրած դասերի քանակի համաձայն:

Աշակերտաց թիւը. Տարւայ սկզբին եղել են 132 աշակերտ, 29 աշակերտուհի, ընդամենը 161 հոգի: Հետզհետէ պակսելով՝ տարեվերջին մնացել են 105 տղայ, 26 աղջիկ, ընդամենը 131 հոգի: Որոնք տեղաւորւած էին դասարաններում այսպէս.

Ա. բաժ.	26 տղայ	6 աղջիկ	32 հոգի
Բ. »	22 »	12 »	34 »
Գ. »	32 »	4 »	36 »
Դ. »	18 »	3 »	21 »
Ե. »	7 »	1 »	8 »

Ընդամենը 131 հոգի

Փոխադրութիւն.

Ա. բ. Բճր. փոխ. են 20 մնում են 12 հ.	
Բ. » Գ-ը »	19 » 15 »
Գ. » Դ-ը »	20 » 14 »
	արձ. 2 » 1)
Դ. » Ե-ը »	11 » 10 »
Ե. » աւարտում են 52) »	3 »

Հիւանդութեան և այլ պատճառներով դասերի չեն յաճախել. օր. Ան. Զիֆեան 8 օր.—40 ժ., պ. Գ. Տէր-Մինասեան 12 օր.—48 ժամ: Ուսումնական տարում պարագմունք եղել է 167 օր, 811 ժամ:

1) Անկանոն յաճախելու, անընդունակութեան և երկրորդ տարին մնալու պատճառով արձակւում են 2 հոգի:

2) Այս տարւայ աւարտողներից մէկը Սարգիս Եարութիւնեանը, անցեալ տարւայ ընթացաւարտներից է:

БОЛЬНИЧНЫЕ И ШКОЛЬНЫЕ НАЛОГИ, մինչդեռ այդպիսիները գոյութիւն չեն ունեցել նրանցում:

Ինքնագործունէութեան և ինքնօգնութեան պահանջը մեր գիւղական ազգայնականութեան բարեկարգութեան գործում զեռ վաղուց էր գգացւում և այդ շատ պարզ վկայում է վերջին տարիներս երկրում զարգացող գիւղական կեանքի մասին: Այսօր, անկասկած է, որ գիւղական համայնքների այս նոր միութիւնը որոշ ծառայութիւն պէտք է մատուցանի մեր գիւղացիութեան բազմապիսի սուր կարիքներին և բացի այդ կարիքների ծառայութեան, նա անշուշտ գիւղական համայնքները կը պատրաստի և ապագայ գալիք զեռնաօլոյի համար:

Փոխարքան իր շրջաբերականում մի տեղ նոյնիսկ յիշեցնում է նահանգապետներին, որ կարող են լինել առանձին գիւղական համայնքներ, որոնք չեն ունենալ պահանջող գումարներ այդ ձեռնարկութիւնները իրականացնելու: Այսինքն հիւանդանոց և գարոց հիմնելու, բժիշկ և աղբօսմ հրաւիրելու և այլն: Այդ պարագայում նահանգապետները կարող են դիմել Փոխարքայի խորհուրդին, որպէսզի նպաստ տրուի այդպիսիների հասարակութեան միութեան տեղիս շրջանային զեռնաօլոյների միջոցներով:

Գաւառում այս բոլորի ի կատար ածելը բարդում է գլխաւորապէս հաշտարար միջնորդների վրայ, որոնք, համաձայն Փոխարքայի կարգադրութեան, պէտք է ամենայն կերպ աշխատեն շուտ ձեռնարկել կազմակերպելու այդ միութիւնները: Ըստ Փոխարքայի շրջաբերականի՝ աղմինիստրացիան պէտք է այնպէս գործի դիմի, որ այդ հիմնարկութիւնները առաջիկայ յունվարի 1-ից կանոնաւոր գործողութեան ընթացքում լինին:

Թէև այս հասարակութիւնների միութիւնները շնորհիւ նոր օրէնքի սահմանափակումների չեն կարող ընդհանապէս բաւարարել մեր գիւղացիութեան ծով կարիքներին ինչպէս զեռնաօլոյ, բայց նրանք գիւղական շրջանում կարող են որոշ չափով օգտակար լինել և շատ բան անել:

Որպէսզի գիւղական հասարակութեան

քաղած են դաստիարակները ուշի ուշով կազմած ցուցակներով: Դպրոցի 131 աշակերտից կանոնաւոր յաճախել են միայն 14 հոգի, իսկ մնացեալ 117 հոգին բացակայել են 8179 ժամ: Հարկ չկայ բացատրելու թէ ինչ վատ ազդեցութիւն կունենայ այս դրութիւնը դպրոցի յառաջդիմութեան վրայ: Աւելացրէք և այն, որ Գ. և Ն. բաժանմունքները միացեալ են, իսկ միացեալ բաժանմունքների բացասական կողմը՝ արդիւնքի տեսակէտից ակնհայտ է, պատկերը պարզ կը լինի: Սիրում ենք հաւատալ, որ բարեպաշտ ժամանակ, երբ Ն. բաժանմունքի աշակերտների թիւն էլ կաւելանայ, մեծարգոյ բարեբարը կը գտնէ և հինգերորդը:

Հանդէսներ: Սեպտեմբերի 14-ին ուսուցչական և հոգաբարձական կազմերի, աշակերտ-աշակերտուհիների և շրջակայ գիւղերից ժողոված ծնողների ներկայութեամբ՝ ս. պատարագից յետոյ հոգեհանգիստ կատարեց դպրոցի բարեբարի ծնողաց շիրիմները: Վերջ, որից յետոյ դպրոցի դահլիճում խօսք եղաւ ուսման նշանակութեան և ծնողաց պարտականութիւնների մասին: Նոյնմբերի 16-ին և յունւարի 29-ին կազմեցին գրական-երաժշտական ցերեկոյթներ, բոլոր աշակերտները և ծնողների ներկայութեամբ, ուր սան ու սանուհիները արտասանում էին ոտանաւորներ, իսկ երգեցիկ խումբը

թիւները միութիւնը իւր այն գաղափարով, որ արծարծում է Փոխարքայի վերոյիշեալ շրջաբերականում, չդառնայ պատշաճական սոսկ ցանկութիւն, պարուրած աղմինիստրացիա սահմանափակութեամբ, անհրաժեշտ է՝ օր առաջ իրականութիւն ստանայ հովանաւորութիւն: Այդ վերջինը կը կարողանայ հոգի և շունչ տալ, մարմնացնել գիւղական հասարակութիւնների միութիւնը՝ այնպէս, ինչպէս որ պահանջում է կովկասի մեր իրականութիւնը: Հակառակ դէպքում շրջաբերականում արծարծած գաղափարը մեծ կարգում կունենայ աղմինիստրացիայի ներկայացուցիչների բարեհայեցողութիւնից: Այդ նախապայման է կարծես հենց նոյն իսկ շրջաբերականը, որ խոստանում է մօտակայ ապագայի համար նաև զեռնաօլոյ:

Գ. Գէորգեան

ՀԱՅՏԵՐՆ ՈՒ ՊԱՏԵՐԱԶՄԸ

— Ռուսական զօրքի կորպուսի հրամանատարը թոյլատրել է Մանագերտի, Պանոսի և Քլաթի շրջանների 10,000 փախստականներին թաշիշայի և Ղզը-Դիզայի վրայով ուղարկել Արաղա: Դիմած է բարեգործական հաստատութիւններին, որ մեծ չափով հաց և ալիւր ուղարկեն:

— Յայտնում են, որ թիւրքերը նահանգային մոտել են Մուշ քաղաքը և հայկական կոտորած սարքել:

— Վանի նահանգապետութեան մէջ մեծ կարիք կայ հմուտ և բանիմաց պաշտօնեաների:

— Վանում վարակիչ հիւանդութիւնները օրէցօր լայն ծաւալ են ստանում:

— Շատախի կողմից քրդերը սպառնում են հայ ազգայնականութեան:

— Ռուս զինուորները Վանի շրջանում բաւական թւով հայ գերիներ ագտած են Նօրդուզի քիւրդ գիւղերից և վերադարձած են իրենց տեղերը:

— Վարագի մատենադարանի ձեռագիրները ամբողջովին անջնաս են, դէպքերից առաջ պահած ըլլալով: Միայն էր թերթերի այն լուրը, թէ այրւած են նրանք: Նմանապէս անվրնաս է կտուց անապատի մատենադարանը:

Եր երգում էր սօթ և երկձայն խմբական երգերը: Մայիսի 9-ին և 11-ին դպրոցի դահլիճում, նահանգապետի թոյլտուութեամբ կայացաւ ներկայացում և գրական-երաժշտական երեկոյթ յօդուտ հայ փախստականների: Առաջինում ներկայ էին միայն ծնողները, և շրջակայ գիւղերից յատուկ հրաւիրւած մարդիկ, որոնք ներկայից 240 ռուբլի: Ծախքը դուրս գալով, զուտ արդիւնքը 123 ռ. 14 կ. ուղարկեց ս. էջմիածնի «Նորայրական կոմիտէին» գործադրելու իր նպատակին: Տաճկահայ եղբայրներին օգնութեան համեմուտ կոչելը մեզ հասան. 1) Դպրոցիս աշակերտութիւնը այդ նպատակով հանգանակեց 10 ռուբ. 50 կ. և ուղարկեց «Նորդուզի» խմբագրութեան ըստ պատկանելոյն հասցնելու: 2) Ուսուցիչներն արձագանք տալով Երևանի փոխ-թեմակալ տ. Քորէն եպիսկոպոսի կոչին, սիրաբար կերպով ներկայից իրենց ունեցի 20% -ը 45 ռուբ. 80 կոպ. որն երկու անգամ ուղարկեց Երևան, զինուորների համար մահճակալ պահելու:

(Կը շարունակւի)

Աւագ ուսուց. Գ. Տէր-Մինասեան

— Պարսկահայ փախստականներին օգնող յանձնաժողովը յուլիսի 17-ին, թիֆլիսում երկաթուղային գնացքով Պարսկաստան ուղարկեց մի մեծ խումբ փախստականներ (հայ և ասորի): Թւով մօտ 500 հոգի: Հայրենիք վերադարձող փախստականներին ձրի բաժանեց թէյ, շաքար և չորացրած հաց: Ներկայ էր պարսկահայ փախստականներին օգնող յանձնաժողովի ամբողջ կազմը:

— Թիֆլիսի վաճառականները ընդհանուր ժողովում ընտրւած նպաստից մասնաժողովը ուղարկել է Եւրօպական Ռուսաստանի և Հիւսիսային Կովկասի բոլոր հայ վաճառականներին, որոնք առևտրական կապեր ունեն թիֆլիսի հետ, 500 նամակ և կոշ յօդուտ թիւրքահայաստանի թշուա ժողովրդի նէր-ներ ուղարկելու մասին:

ԼՐԱՏՈՒ

ՀՈՒԴԻ

— Նոր Նախիջևանի ս. Սաչ վանքի վանահայր տ. Վահան վարդապետ Տէր Դրիգորեանը վախճանել է: Հանգուցեալը ընդ Ղարաբաղի էր (Մուշիցիական գիւղից) և մեր թեմի առաջին թեմական տեսուչը:

— «Նորայրական Օգնութեան» կոմիտէն խնդրում է յայտնել ի գիտութիւն հասարակութեան, որ պ. Միք. Բարխուդարեանից ստացւել է մայիս և յունիս ամիսների ամսավճար 3 ռուբլի:

— Մեզ խնդրում են քաղաքային վարչութեան ուշադրութիւնը հրաւիրել քաղաքում երթեկող կառքերի վրայ, որոնցից շատերը չունեն լապտերի ձեռնարկ և սակագներից դուրս աւելորդ դրամ պոկելու համար անվերջ վէճերի մէջ են մտնում կառք նստողների հետ:

— Անձրենների պատճառով քաղաքային զրօսավայրի փողոցներում այնպիսի ցեխ է գոյացել, որ քաղաքացիները հնարաւորութիւն չունին ոչ զրօսավայր և ոչ հասարակական ակումբի ծաղկանոցը գնալու: Քաղաքային վարչութեան և ակումբների աւագների խորհրդի ուշադրութիւն ենք հրաւիրում այս հանգամանքի վրայ:

— Մեզ զանգատւում են, որ բարեգործական ընկերութեան գրադարանից մօտ երկու ամիս է գրքեր չեն տրուում անդամներին, գրադարանապետի հիւանդութեան պատճառով: Տարօրինակ է. միթէ մարդ չի գտնել, գոնէ ժամանակաւորապէս փոխարինելու գրադարանապետին:

— Ինչպէս յայտնում են մեզ, քաղաքիս փոստային բնակարանի տեղափոխման հարցը զեռ անորոշ դրութեան մէջ է, որը անչափ յուզում է ազգայնականութեան:

— Թեմական դպրանոցի հոգաբարձութիւնը իւր ամսոյս 20-ին կայացած նիստում որոշել է յայտարարութիւն տալ լրագիրներում թեմական դպրոցի համար նոր վերատեսուչ հրաւիրելու:

— Վերջին օրերս Շուշում անընդհատ անձրեններ են տեղում:

ԿՈՎԿՍ

— Պետրօգրադում տեղի են ունենում խորհրդակցութիւններ պատգամաւոր Պապաշանեանի նախագահութեամբ, Կովկասում զեռնաօլո մտցնելու հարցի առթիւ:

— Ամսիս 17-ին, Բաղախանու նախարարները որոշեցին խորհրդի հիւանդանոցում ծանր հիւանդութիւնից յետոյ կնքեց իր մահկանացուն հայոց բեմի զարդերից մէկը՝ գերասանուհի տիկ. Աղամեանը:

— Ամառայ շոգերի հետ թիֆլիսում սկսել է աղիքների սուր-վարա-

կիչ հիւանդութեան էպիդեմիան: Քաղաքում արդէն եղել է այդ հիւանդութեամբ վարակւելու 5 դէպք: Բակտերիօլոգիական հետախուզումները ցոյց են տալի, որ դասաւորող հիւանդանոցի սանիտար Պ. -ն մեռել է խոլերայից: Յուլիսի 6-ին եղել է վարակման 2 դէպք ևս: Արդէն ձեռք են առնում հարկ եղած միջոցները, այդ վտանգաւոր հիւանդութեան տարածման առաջնաճիւղը համար:

ՄԵՐ ԹՎԹԱԿԻՅՆԵՐԸ

Նիժի ՏԵՏԵՍԱԿԱՆ ԴՐՈՒԹԻՒՆԻՑ

Նիժ. (Նուսու գաւ.) 10 յուլիսի

Նիժը գտնւում է Նուսուց 75 վերստ, իսկ երկաթուղու կայարանից մօտ 50—55 վերստ հեռաւորութեան վրայ: Շրջապատւած է մի շարք թուրք գիւղերով, որոնց թւում մի քանի միայն հայ գիւղեր կան: Գիւղը բաղկացած է 1300—1600 մատաղատներից, մօտ 8—9 հազար բնակչութեամբ, որից մօտ 50 տուն թուրքեր են, իսկ մնացածը ուտի հայեր: Ունեն իրենց առանձնայատուկ լեզուն ու սովորութիւնները: Չունեն սեփական տուրք ու գրականութիւն, հետզհետէ ձուլւելով այլ ազգութիւններին: Այժմ ուտիներ կան Նիժում և վարդաշէնում: Գիւղի երկարութիւնը 7—8, իսկ լայնութիւնը 4—5 վերստ է: Ընդհանուր մակերեսով շրջապատը 30—35 վերստ է: Այդպիսի մի ընդարձակ տարածութիւն է բլրում Նիժը, շնորհիւ այն հանգամանքի, որ տները չափազանց շատ են ցրւած տիկի (տիկոլին), գեղեցիկ այգիների մէջ: Բնութիւնը հմայիչ, ձոխ բուսականութեամբ, շրջապատւած է անտառապատ բլուրներով: Գիւղի հիւսիս-արեւմուտքից հոսում է թիւրքեան գետը, որը ողողել է անագին տարածութիւն: Հողը թէև առատ է և ոռոգելու ջուր բաւական, սակայն դրա հանդէպ ամբողջը ճահիճներ են և ցանքսերի համար անպէտք: Կլիման չափազանց խոնավ է, յաճախ տեղում են յորդառատ անձրեններ և էլ աւելի նպաստում օդի խոնավութեանը:

Կլիմայի և բնակարանների խոնավութիւնը, նիսւած ճահիճներից փչացած օդի ազդեցութիւնը, անշուշտ անդրադառնում է բնակչութեան առողջութեան վրայ և իր կործանարար հետքն է թողնում: Պակասը գալիս են լրացնելու բրինձի արտերից առաջացած հոտած ճահիճները: Այդպիսի պայմաններում բնականաբար բոյն է դրնում մալարիան, ոսկրացաւը, բարակացաւը և այլ և այլ հիւանդութիւններ, որոնք անթիւ գոհեր են տանում: Դրա առաջը ստեղծում համար գրասկիւթիւն և բժշկական օգնութիւն է պէտք. սակայն, պիւզացիք գուրկ են թէ մէկից և թէ միւսից. մօտիկ անցեալում ունեցել են միայն մի ֆէլդշեր, որի կատարած գիրը այդպիսի մի մեծ և հիւանդութիւններով հարուստ գիւղը գուրկ է ֆէլդշերից և այժմս բժշկական օգնութեան բացարձակ բացակայութեան շնորհիւ ամեն ինչ թողնւած է Աստծոյ կամքին... Պատկերը կատարեալ դարձնելու համար բերում են մի վիճակագրութիւն, որը կազմել է Կախ-աւանի (Նախիկի Նիժի) Մեքիսեղիկ քահ. Սլլրեանը: 1913 թ. յուլիսի 1-ից մինչև նոյեմբերի 1-ը ընդամենը 10 ամառայ ընթացքում մահացութեան դէպքեր են տեղի ունեցել՝ ծննդաբերութիւնից—98 հոգի, այլ և այլ հիւանդութիւններից—317 հոգի: Ընդամենը 10 ամառայ մեռել են 415 հոգի:

Ֆէլդշերի մօտ են յաճախել հիւանդներ 10,5039 հոգի: Այդքանը զեռ մի

քահանայի ծխականներին և ֆելդշերի մօտ յաճախողներին թիւն է, սակայն քանի քանիսը միանգամայն խուսափում են բժշկական օգնութիւնից ու դիմում են զանազան խարբեայ գրքաց- ների և տգէտ տառամէրների օգնու- թեանը և կուլ են գնում տգիտութեան հերոսներին:

Գիւղացիները պարագում են գլխա-ւորապէս պողարութեամբ (տխիլ, ընկոյզ, շագանակ), հողագործութեամբ (բրինձ, ցորեն, գարի), շերամապա-հութեամբ և այլն: Մեծ տեղ են բո-ւնում բրնձի և ցորենի արտերը: Հո-ղագործութիւնը տարւում է հին ձևով: Ժողովուրդը չափազանց դանդաղուտ է երկրագործութեան մէջ: Մեծ տեղ են բոնում արօտատեղիները: Արտա-հանութեան առարկաներն են՝ 100 հազար փթերով տխիլ, աւելի նւազ բրինձ, շագանակ և բոժոժ, որոնք և կազմում են երկրի հարստութիւնը և եկամուտի նշանաւոր աղբիւրը:

Այժմս գիւղացիք, աշխատող ձեռքե-րի պակասութեան պատճառով գաւը-ւում են տնտեսական տագնապի ա-ռաջ: Ժողովուրդն ապրում է խաղաղ-թէն թայֆայականութիւնից զերծ չէ-սակայն այն ուժեղ թայֆայականու-թիւնը, ինչ արմատացած է այլ տե-ղերում—չի նկատուում: Գիւղը կուլ-տուրապէս շատ է յետամնաց: Տգրուկ-ները օգտուելով հասարակութեան տգի-տութիւնից, իրենց առատ հունձն են անում: Մի տանուտէր, մի օգնական, մի չաւուշ ժողովուրդի գլխին իշխող-ա-զաններն են համարւում, մանաւանդ ներկայ տանուտէրը: Հրէշաւոր կա-շառքներ և տոկոսների մասին լսել է պէտք. և խեղճ գիւղացին խոնարհուում է վայրագութիւնների և շահատակու-թիւնների առջև, տանում է ամեն ինչ, կարծես թէ այդ այդպէս պէտք է լի-նի: Տանուտէրի սանձաքնակութիւն-ները այն աստիճանի են հասած, որ լինելով միաժամանակ հոգաբարձ, նա-խագահ, իրեն տէր ու տնօրէն համա-բերով, ուսուցիչների հետ վարւում է այնպէս, ինչպէս մի գիւղացու հետ: Պատահած դէպքում չէ խնայում փո-ղոցային լալիր չայոյանքներ թափել ուսուցչի գլխին, նոյնիսկ սպառնալ «ցականտով» գլուխը կտորել, առանց գէթ կարմրելու իր արարքից:

Նիժի փոխ-խնայող, բանկը մեծ օգ-նութեան կարող է հասնել աղքատ գիւղացուն, եթէ դուած լինի լաւ հիւ-քերի վրայ, որի մասին մի այլ ան-գամ: Միակ դպրոցն է, որ պէտք է բարձրացնէ հասարակութեան կուլտու-րական մակերևոյթը, մաքառէ կուլակ-ների շահատակութիւնների գէձ, գիւ-ղացուն դնէ տնտեսական լաւ վիճակի մէջ՝ սակայն, դպրոցն էլ ներկայումս գտնւում է շատ ցաւալի վաճակի մէջ: Ամբ. Տէր-Գեորգեան

ԹԵՏՐՈՆ ԵՒ ԳԵՂԱՐՈՍ

«Արեւելեան համերգ»

Ուրբաթ, 17 յուլիսի, Շուշու ամա-ռային ժողովարանի դահլիճում տեղի ունեցաւ արեւելեան համերգ, թիֆլիսի երաժշտական դպրոցի ուսանող պ. Մ. Պաշտաթեանի ղեկավարութեամբ և մասնակցութեամբ տեղական և եկեր սազանդարների:

Արեւելեան համերգները շատ սակաւ են կազմակերպւում, այդ իսկ պատ-ճառով և ծրագրի մատչելիութեամբ, մեզ մօտ միշտ ունենում են յաջողու-թիւն: Հայ և թուրք հասարակութիւ-նը միշտ էլ անխտիր լցւում է դա-լիճ, անկախ բոլորովին այն հանգա-մանքից, թէ ով է կազմակերպում հա-

մերգը: Պարոն Պաշտաթեանի ղեկավարու-թեամբ հանգէսը բացւեց «Боже па-ря храни» օրհներգով, որ նւագեց խումբը, մանդալինի, գիտարի, ջու-թակի, թառի և այլ գործիքների վը-րայ: Այս օրհներգին հետեց «Մեր-հայրենիքը»:

Ծրագրի առաջին բաժինը ամբող-ջովին կազմւած էր solo-ներից, որ նւագում էին յարաւոր գործիքների վրայ:

Այդ բաժնում ընդհանուրի գովասան-քին արժանացաւ պ. Լ. Ղարախանեա-նի նւագումը ճիւղների (քեմանչ) վրայ: Պարոն Ղարախանեան արեւել-եան ամենադժուարին եղանակները նը-ւագում է այնպիսի հմտութեամբ և քնքշութեամբ, որպիսին կարող է չկո-ւա անցած արտիստը և ոչ յամենայն դէպս սովանդարը:

Պ. Աբգարը թառի վրայ նւագում էր ողևորութեամբ, չափազանց նուրբ և քնքշոյ. կարծես միւլարը լարերին չէ դիպչում: Պարոն Պաշտաթեանը, որ նւա-գում է մանդալինի վրայ, ունի լաւ տեխնիկա: Միւսները թոյլ էին:

Իսլամի երգած «Միրզա-Հիւսէյնի սիւգհանը» թառի և քեմանչայի նւա-գակցութեամբ, անցաւ անյաջող և զրե-թէ առանց տպաւորութեան: Մեր ա-սիական երգիչները կարծէք չեն կա-րողանում ըմբռնել՝ որ միևնոյն չէ եր-գել սենեակում, թէ բնի վրայ: Ամ-բողջ մի քառորդ ժամ երգիչ Իսլամը առանց այլևայլութեան քթի տակ եր-գում էր մեծամեծ ձեւակաւութիւններ անելով, ինչ որ բան. ծրագրից էր մի-այն իմացւում, որ յայտնի սիւգհան է: Այդ եղանակի կատարման մէջ հան-դիսականի ուշադրութիւնը գրաւում էր պ. Լ. Ղարախանեանի քեմանչան: Նոյնը կարելի է ասել Բեշաշի Մահմէ-դի «Հէյրաթի» համար. այստեղ էլ երգ-չին փրկում էր շնորհալի թառիստ պ. Աբգարի նւագը:

Երգիչ Իսլամին և Բեշաշի Մահմե-դին այսուհետ աւելի լաւ է լսել զրա-մաֆօնի մէջ. ըստ երևոյթին նրանց ձայնը շատ է արդէն մաշւած:

Խմբի ղեկավար պ. Պաշտաթեանը յաջող կատարեց իր Ջե-Ե-երը, սակայն խումբը կառավարելու համար բաւական չէ մանգօլինի վրայ լաւ նւագել իմա-նալ, այլ պէտք է օժտւած լինել դի-րիժեօրական որոշ կարողութեամբ: Մի պակասութիւն, որ շատ է աչքի ընկ-նում, այդ այն է, որ չափը շատ էր կաղում: Andantino չափով գրւածները խումբը նւագում էր Allegro չափով և մինչև իսկ միևնոյն չափով գրւածները զանազան չափերով:

Մի նկատողութիւն ևս: Վերջին ժա-մանակներս արեւելեան եղանակների մէջ մտցնում են ոչ հարազատ ֆորձելեագ-ներ և գրուպպիտոներ, որով բուն ա-րեւելեան եղանակները կորցնում են ի-րենց ինքնորոշութիւնը:

Վերջին բաժնում հետաքրքրականու-թիւնից զուրկ չէր «Ասլի և Բերամ»-ից նւագած մի մեծ կտորը, բոլոր սազան-դարների մասնակցութեամբ: Պարոն Ղարախանեան իր քեմանչայով շնոր-հալի կերպով ղեկավարում էր այդ խումբը:

Թատրոնում հասարակութիւն շատ կար: Ծանկալի էր, որ ասիական հա-մերգները յաճախ կազմակերպւէին, բայց մի փոքր աւելի խնամքով. չի կարելի ամեն մի պատահական սա-զանդար բեմ հանել:

Ա.

Պ Ե Տ Ե Ր Ե Չ Մ

ՀԵՌԱԳԻՐՆԵՐ

(Պետր. հեռ. գործ.)

ԳԵՐԱԳՈՅՆ ԶՈՐԱՆՈՐԱՐՈՒՄՆԵՐԻ ՆԵՐՈՒՆԵԿԻՑ

19 յուլիսի.

Կուրլեանդակ գետի վրայ, Բա-ուսկից ներքև 17 և 18 յուլիսի մենք յամառ կուլ էինք մղում գերմանացիների դէմ: Բազմաթիւ անյաջող փորձերից յետոյ, թշնա-մին մեծ կորուստներով յաջողեց ամբանալ Միգա գետի աջ ափին Բօնգֆերնգօֆի մօտ: Դէպի Պօնե-վէժ տանող ճանապարհներին մեր զորքերը Դարչիշկի գիւղի մօտ ետ շարտեցին արշաւող գերմանական մի զօրասիւն, իսկ Բատեանի և Տիլտագօլի գիւղերի շրջանում յետ շարտեցին թշնամու առաջապահ, բոստ որում մի քանի հարիւր գերի վերցրինք և մի քանի գնդացի: Նարևի ռազմաճակատում թշնամին 18 յուլիսի գիշերը յարձակումներ էր անում Պիսսա գետի արևելեան ափին, ըստ որում նրան նախ յա-ջողեց տարածել Նարևի ձախ ափին, բայց յետոյ մեր եռ-նգուն սելինային հակադարձակումով յետ շարտեց դէպի գետի հունը: Նա-րևի և նոյն գետի միջև 18 յուլիսի լարւած կուլ էր տեղի ունենում: Սելինային մի շարք կատաղի կուլ-ներից յետոյ գերմանացիներին յաջողեց մի փոքր առաջանալ Կա-մենկա—Ժաղին ռազմաճակատում: Աւելի հարաւ Օրժա գետի վրայ թշնամուն նոյնպէս յաջողեց սկզբ-բում գրաւել մեր խրամատների գիծը, բայց մեր քաջարի զորքի սելինային հակա-դարձակումներով յետ մղեց իր նախկին դիրքը: Կուլը շատ արիւնահեղ էր այդ մասում թշնամին մեծ կորուստ-ունեցաւ, ըստ որում հակադար-ձակման ժամանակ գերի վերցրինք 1000 գերի և թշնամու հրետա-նին:

ՈՐՏԱՔԻՆ ՏԵՍՈՒԹԻՒՆ

Պատերազմի սկզբից Գերմանիայում գերի մնացած ռուսահայտակներից մէկը Շէլյցարիայի վրայով կողմնակի ճանապարհով կարողացել է իւր ծնող-ներին յայտնել հետեւալը:

«Մի գուցէ այս նամակը ստացւի... Ի սէր Աստծոյ եթէ փող չէք ուղարկել, այս նամակը ստանալուն պէս մի մեծ գումար ուղարկեցէք... Մեր քաշած կիսանքը, ինչ ասեմ, (անտանկի է), ուսում ենք, ինչ որ տալիս են, կիսա-քաղցած կիսանք, ի հազար ու մի զեր-

կանքներով: Այն ինչ որ մեզ են տա-լիս, աւելի շուտ կարելի է նաւերին ու շներին կերակրել, քան թէ մարդկանց. աչքիս առաջին մարդիկ ընկնում ու քաղցից մեռնում են, որովհետև իրանք գերմանացիք համարեա թէ ոչինչ չունեն ուտելու, նամանաւանդ հաց:

Փող ուղարկեցէք միմիայն իսպա-նական կօնսուլի միջոցով, այսինքն ուղարկեցէք ռուսաց արտաքին դոքտը նախարարութեան առանձին բաժան-մունքը, որպէսզի նա տեղափոխէ իս-պանական կոնսուլին: Ստոկհոլմի Հո-տել Կոնտինտալի միջոցով ոչինչ չու-ղարկէք, որովհետև այն կոմիտէի մէջ բազմաթիւ բաղդախնդիր (մարդիկ) կան... (Ռուսաց դրամի) կուրսը հիմա շատ լաւ է... ուսում եմ սրանց տւած զգւելի կերակուրները (եթէ կարելի է կերակուր անւանել), ուստի և բաւա-կանին մաշել եմ, բայց հոգս չանէք, առողջ եմ, տրամադրութիւնս լաւ է, միայն փող, փող:

Նամակս չեմ կարողանում երկարա-ցնել, եթէ բոլորը գրելու լինիմ, շատ երկար կը տևի:

Աշխատեցէք շուտով փող ուղարկել ու շուտ նամակ գրել, ինչո՞ւ սակաւ էք գրում, ձեր նամակները հազիւ թէ կորչեն, իսկ իմ գրած 20—30 նամակ-ներից ձեր ասելով ոչ մէկը չէք ստա-ցել...

ՆԱՄԱԿՆԵՐ ԽՄԲԱԳՐՈՒԹԵԱՆ

Ղաթարի հանքեր. 7 յուլիսի

Թոյլ տւէք յարգոյ թերթիդ միջոցաւ, սրտի կսկիծով ցաւակցութիւնս յայտ-նել Նիժի ծխ. ծխ. դպրոցի ուս. Տէր-Աբրահամեանի վայրագութեան և կոր-քերին զոհ դարձած ընկեր ուսուցչին և դայրոյթ՝ ուսուցչութեան անունը վարկաբէկող՝ Տէր-Աբրահամեանցին, Ուս. Ալլահվերդեան

Շուշի, 20-ին յուլիսի 1915 թ.

Իմ հանձնեցալ ամուսին Թէոդորոս Պաշտաթեանի մահւան երկրորդ տարելի-ցին, ի տեղի ժամահացի ուղարկում եմ յարգելի խմբակրութեանդ հարիւր բուրի (100), որպէս նւէր վանի հայ կանանց բարեգործական միութեան՝ յօգուտ պատերազմից ֆաւստածներին, Յարգանք Մադիլայ Պաշտեան

Խմբ.-հր. Լ. Վարդապետեան

Печатать дозволено военной цензурой

Объявление.

Въ помѣщеніи Шупинской Го-родской Управы на 24 сего іюля въ 12 ч. дня назначены оканча-тельные торги на отдачу въ аренд-ное содержаніе, срокомъ на одинъ годъ, двухъ городскихъ ското-боенъ. Торгъ начнется съ 2600 руб. Кондиціи можно видѣть въ Управѣ ежедневно отъ 10 до 2 часовъ дня, кромѣ воскресенья.

3—2

Воскресенье 26 июля

СОСТОИТСЯ

БОЛЬШОЕ НАРОДНОЕ ГУЛЯНИЕ

на бульварѣ съ вечеромъ въ лѣтнемъ помѣщеніи Общ., Собр. ус-траиваемое студентами въ пользу пострадавшихъ отъ войны.